

Na osnovu Preporuke Ministarstva za nauku, visoko obrazovanje i mlade Kantona Sarajevo broj 27/02-34-4840/21 od 19.02.2021. godine, Zaključka Senata Univerziteta u Sarajevu broj 01-19-5/20 od 09.09.2020. godine, Zaključka Koordinacionog odbora Prirodno-matematičkog fakulteta Univerziteta u Sarajevu od 16.02.2021. godine, prijedloga Odbora za osiguranje kvaliteta Prirodno-matematičkog fakulteta Univerziteta u Sarajevu od 19.02.2021. godine, i člana 104. Statuta Univerziteta u Sarajevu, Vijeće Prirodno-matematičkog fakulteta Univerziteta u Sarajevu na elektronskoj sjednici održanoj 25.02.2021. godine, donijelo je

## ODLUKU

### o načinu realizacije nastave u LJETNOM semestru akademske 2020/2021. godine na Prirodno-matematičkom fakultetu Univerziteta u Sarajevu

#### I

Nastava na Prirodno-matematičkom fakultetu Univerziteta u Sarajevu u toku ljetnog semestra akademske 2020/2021. godine realizovaće se kombiniranim modelom, i to:

1. svi oblici teorijske nastave, što podrazumijeva predavanja i auditorne vježbe, kao i dijelovi praktične nastave i laboratorijskih vježbi koji imaju demonstrativni karakter, realizirat će se *online*;
2. *online* nastava se izvodi prema utvrđenom rasporedu i u kapacitetu koji je predviđen nastavnim planom i programom obavezno i isključivo putem platforme Office 365. Nastavni materijali i obavještenja se mogu učiniti dostupnim studentima i putem platforme e-Nastava Prirodno-matematičkog fakulteta;
3. svi oblici praktične nastave i laboratorijskih vježbi i dijela predavanja praktičnog karaktera će se u pravilu realizirati u praktikumima, laboratorijama i učionicama Fakulteta uz obavezno pridržavanje higijensko-epidemioloških mjera propisanih od nadležnih organa i institucija;
4. dio praktične nastave i laboratorijskih vježbi se može realizirati i kombinirano, o čemu odluku donosi vijeće Odsjeka na prijedlog predmetnog nastavnika;
5. praktična nastava se može realizirati i kao blok nastava, o čemu odluku donosi vijeće Odsjeka;
6. parcijalne provjere znanja i ispiti iz predmeta ljetnog semestra će se realizirati *online* ili u učionici uz obavezno pridržavanje higijensko-epidemioloških mjera propisanih od nadležnih organa i institucija, o čemu odluku donosi vijeće Odsjeka na prijedlog predmetnih nastavnika. Za organizaciju *online* parcijalnih provjera znanja i *online* ispita, a sa ciljem adekvatnog dokumentovanja oblika provjera znanja i aktivnosti, mogu se koristiti platforme Office 365, e-Nastava Prirodno-matematičkog fakulteta ili neka druga platforma za čiju upotrebu predmetni nastavnik prethodno treba pribaviti saglasnost vijeća Odsjeka;
7. svi oblici provjere znanja moraju biti usklađeni sa nastavnim planom i programom i usvojenom Odlukom o kriterijima provjere znanja i ocjenjivanja u akademskoj 2020/2021. godini;
8. konsultacije sa studentima se obavljaju u pravilu *online* u za to predviđenim terminima, o čemu predmetni nastavnici vode evidenciju;
9. hospitovanje studenata nastavničkih smjerova će se organizovati *online* i/ili u prostorijama osnovnih ili srednjih škola u Kantonu Sarajevo u zavisnosti od trenutne epidemiološke

situacije i načina organizovanja nastave u osnovnim i srednjim školama, a o čemu odluku donosi dekan Fakulteta na prijedlog predmetnog nastavnika;

10. rad studenata na izradi praktičnog i eksperimentalnog dijela završnih radova svih ciklusa studija, kao i diplomskih, magistarskih i doktorskih radova će se u pravilu realizirati u praktikumima i laboratorijama Fakulteta uz obavezno pridržavanje higijensko-epidemioloških mjera propisanih od nadležnih organa i institucija.

## II

Zadužuju se šefovi Odsjeka da naprave i prije početka nastave oglase plan realizacije nastave na odsjecima, što podrazumijeva:

1. raspored održavanja online nastave,
2. raspored održavanja praktične i laboratorijske nastave,
3. način održavanja praktične i laboratorijske nastave za svaki predmet pojedinačno,
4. način provjere znanja za svaki predmet pojedinačno,
5. raspored konsultacija.

## III

Obavezuje se Menadžment Fakulteta da pripremi dokumente koji detaljnije tretiraju organizaciju nastave i polaganje ispita.

Obavezuje se Menadžment Fakulteta da poduzme adekvatne higijensko-epidemiološke mjere za nesmetano funkcionisanje nastave i naučnoistraživačkog rada na Fakultetu.

## IV

Obavezuju se nastavnici i asistenti da se u potpunosti pridržavaju usvojenog rasporeda nastave i smjernica sadržanih u ovoj Odluci.

Obavezuju se nastavnici i asistenti da šefu Odsjeka sedmično dostavljaju izvještaj o održanoj nastavi, za svaki zaduženi nastavni predmet.

Obavezuju se šefovi Odsjeka da prodekanu za nastavu i naučno-istraživački rad sedmično dostavljaju izvještaj o realizaciji nastave na Odsjeku.

## V

Ova Odluka stupa na snagu danom donošenja.

**Akt obradio:** Edina Drkenda, BA poslovanja

**Akt kontrolisao:** Jasmina Hasanbegović, dipl.iur.

**Akt odobrio:** prof. dr. Elvedin Hasović



**Dostaviti:**

- Odsjecima
- Prodekanu za nastavu i NiR
- Studentu prodekanu
- Sekretaru Fakulteta
- Studentskoj službi
- Stručni saradnik za nastavu i osiguranje kvaliteta
- Web stranica / oglasne ploče
- Dosije Vijeća
- a/a